



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

2 mg
G2F03PC G2F0P
7h8LW 1905P

84
-66

~~583~~ 5/12/38

74-17078




Հրատարակութիւն Անդրսոնի

ԵՂԲԱՅՐԸ ԵՂԲՕՐ ԳԻՄ

(ՎԻԿՏՕՐ ՀԻԿՕԻՑ)

Երկրորդ հրատարակութիւն



ԹԻՖԼԻՍ

Ելեհրատարակութեան «ՀԵՐՄԷՍ» ընկեր., Մաղաքիան փողոց 15;
1905 93

84

01 JAN 2009

Հրատարակութիւն Անդրսօնի

19 NOV 2010

ար.

ԵՂՐԱՅՐԸ ԵՂՐՕՐ ԴԷՄ

9/5 945

(ՎԻԿՏՕՐ ՀԻԿՕԻՑ)

6015

Երկրորդ հրատարակութիւն

*Երկրորդ հրատարակութիւն
Վիկտոր Հիկօիսի
Հրատարակութիւն
Երկրորդ հրատարակութիւն
0.50 4 6*

ԹԻՖԼԻՍ

Էլեկտրոնային տպագրութիւն «ՀԵՐԱՅՐ» ընկեր., Մոսկովայի թիւ 15,
1905 93



Дозволено цензурою 1 Апрелья 1905 г. Тифлисъ.

I

Մ Ո Ւ Ր Ա Յ Կ Ա Ն

Տրանսիայում ներքին պատերազմ կար: Վանդէ նահանգի բնակիչները փոփոխութիւններ չէին կամենում: Պարիզեցիները նրանց ապստամբներ անուանեցին և նրանց դէմ զօրք ուղարկեցին: Վանդէացիները սաստիկ կերպով դիմադրեցին զօրքին:

Նրանք չունէին կանոնաւոր զօրք, այդ պատճառով թշնամու դէմ դուրս բերեցին փոքրիկ խմբեր միայն, որոնք կուռում էին ցրված ոյժերով: Այսօր մի տեղ յաղթված՝ նրանք վաղը հաւաքվում էին մի ուրիշ տեղ, աւելի լաւ համարելով մեռնել, քան թէ հնազանդվել, որովհետև արդարութիւնը իրանց կողմն էին համարում: Կռիւր բորբոքվում, աւելի կատաղի էր դառնում: Պարիզեցիները կամենում էին, որքան կարելի է շուտ վախեցնել և այդպիսով վերջ տալ պատերազմին, բայց որքան շատ էին անգլթութիւններ դործ դնում,

այնքան աւելի սաստիկ կերպով էին վանդէացիները վրէժխնդիր լինում ամեն մի անգթութեան համար:

Նրբեմն անգործը, խաղաղ երկիրը արեան դաշտ էր ներկայացնում: Եւ այդ սարսափելի դրութիւնը երկար շարունակվեց: Հազարաւոր հանրապետականներ, կամ ինչպէս ժողովուրդն էր անուանում պարիզեցիներին՝ «կապոյտներ», չէին կարողանում յաղթել իրանց թշնամի միապետականներին, կամ ուրիշ խօսքով «սպիտակներին», թէև «սպիտակները» համեմատելով շատ քիչ էին: Նրանց անվեհեր և քաջ առաջնորդներին բռնելու համար՝ «կապոյտները» մեծ պարզկներ էին խոստանում: Դրա համար պատերին և ճանապարհների մօտ անկած սիւներին բազմաթիւ յայտարարութիւններ էին կայցրած:

Մի անգամ, երեկոյեան, այդպիսի յայտարարութիւններից մէկի առաջ կանգնեց մի անցորդ, բարձրահասակ, վայելչակազմ ծերունի՝ գիւղացու հագուստով: Արդէն սթնած էր. նա դժուարութեամբ կարգաց յայտարարութիւնը: Այնտեղ գրված էր, որ վաթսուն հազար լիւր՝ ոսկով՝ պարգև կը տրվի նրան, ով որ կը բռնի տեղական սպստամբների գլխաւոր՝ մարկիզ Լանտենակին, և կը յանձնի «կապոյտներին» բանակին: Յայտարարութեան տակը կար մի ինչ որ ստորագրութիւն, բայց անցորդը չկարողացաւ կարդալ, թողեց և հեռացաւ: Լուսինը դուրս եկաւ: Անցորդը՝ համներով մինչև ճանապարհի այն տեղը, ուր նա բաժանվում էր մի քանի ճիւղերի, կանգ առաւ

և սկսեց մտածել: Նա ինչպէս երևում էր, չը գիտէր ո՞ր կողմը թեքվի:

— Դէպի ո՞ւր, հարցրեց մի ձայն:

Անցորդը յետ նայեց:

Ճանապարհի վրա բուսած թփերի ետևից դուրս եկաւ ալեխուռն մազերով, ցնցոտիներ հագած, բարձրահասակ և մէջքը կռացած մի ծեր մարդ: Յենվելով փայտի վրա՝ նա կանգ առաւ և կրկնեց.

— Դէպի ո՞ւր:

— Քեզ ինչ, պատասխանեց անցորդը:

— Աւելի լաւ է ասես:

— Ո՞վ ես դու:

— Ես մուրացկան եմ, իսկ դու՝ մարկիզ Լանտենակը:

Անցորդը ծաղրելով վրա բերեց.

— Դու ինձ հետամուտ ես եղել, որ մատնես... Բո բախար...

Պատասխանի փոխարէն ծերունին հարցրեց.

— Դու այն գիւղն էի՞ր գնում:

— Այո:

— «Կապոյտները» այնտեղ են:

— Շատ ժամանակ է:

— Այսօր երեք օր է: Ասում են, որ վաղը պիտի հեռանան:

— Շատ է՞ն:

— Այնտեղ միայն կէս վաշտ է. իսկ գունդը հեռու է:

— Գունդի հրամանատարը ո՞վ է:

— Հրամանատարը Սիմուրդէնն է:

— Իսկ ժողովուրդը ընդունեց նրանց:

— Ի՞նչպէս չընդունէր:

— Բոլորովին չը կուեցի՞ն:

— Բոլորովին:

— Ի՞նչ մարդիկ են... ասաց մարկիզը: Մի քիչ լուելուց յետոյ՝ նա աւելացրեց.

— Գիւղումը ժողովրդին ծանուցում եղել է:

— Եղել է:

— Ի՞նչի՞ համար:

— Որ քեզ բռնեն: Յայտարարութիւնը տեսա՞ր:

— Տեսայ:

— Ա՛յ, քեզ փնտրում են: Գնանք, ես քեզ կը թազցնեմ:

— Ո՞րտեղ:

— Ինձ մօտ: Ես մի տնակ ունեմ: Ներքնատան նման մի բան է:

Մարկիզը հարցրեց.

— Ուրեմն դու մեր՝ «սպիտակների» կողմն ես:

— Ես ոչ ոքի կողմը չեմ: Ես մուրացկան եմ:

— Այնուամենայնիւ դու տեսնում ես, որ կուռում են: Ուրեմն դու թրի կողմն ես:

— Ես այդ տեսակի դորժերում չեմ խառնվում:

— Բայց չէ՞ որ դու այս բոսայիտ ասացիր, որ ուզում ես թազցնել ինձ:

— Ի՞նչ կայ: Երբ մի մարդու կամենում են բռնել, պէտք է նրան ազատել: Ասում են, որ դու՝ օրէնքի համաձայն՝ պէտք է մեռնես: Ես օրէնքից խաբարութիւն չունեմ: Շատ անգամ քիչ է մնացել, որ ես քաղցածութիւնից մեռնեմ: Մի՞թէ այդ-

պիտի օրէնք էլ կայ:

— Շատ ժամանակ է, ինչ որ մուրացկանութիւն ես անում:

Ամբողջ կեանքս մուրացկանութեամբ եմ անց կացրել:

— Բայց դու գիտե՞ս, որ ով որ ինձ մատնի, լաւ փող կը ստանայ «կապոյտներից»:

— Գիտեմ:

— Վաթսուն հազար լիւր, ոսկով:

— Այն էլ ոսկով: Այդ աւելի է, քան թէ

թուղթ փողով:

— Մի ամբողջ հարստութիւն է,

— Ի հարկէ: Ես էլ հէնց դրա մասին էի մըտածում: Կը գտնվի մէկը, որ կամենալով հարըստանալ, հետամուտ կը լինի քեզ և կը մատնի: Աւելի լաւ կանես, որ ինձ մօտ թազնվես: Իսկ վաղը «կապոյտները» իրանց լրտեսների հետ այստեղից կերթան, այն ժամանակ դու էլ կերթաս:

Մարկիզը հետևեց մուրացկանին:

Նորա իջան դէպի ձորը: Գետնի տակ, հին ծառերի արմատների արանքներում, գտնվում էր մի գետնափոր. այդ գետնափորը մուրացկանի բնակարանն էր: Նա մութն էր և ցած. բայց երկու հոգու համար տեղ կար: Անկիւնում դրած էր ջրի ամանը և մի սև հաց. իսկ դրանց մօտ թափված էին խորոված շագանակներ:

— Արի ընթրիք անենք, առաջարկեց տանուէրը:

Նրանք բաժանեցին շագանակները: Մարկիզը իր մօտ եղած սպիտակ սլաքսիմատը կէս արաւ,

իսկ մուրացկանը իր սև հացը: Կերան և վրան էլ նոյն ամանից ջուր խմեցին:

— Սօսակցութիւնը դարձեալ սկսվեց:

— Ուրեմն դու չը գիտես, թէ ում աջողութիւն ցանկանաս, հարցրեց մարկիզը:

— Մի կողմի աջողութիւնը միւս կողմի դժբախտութիւնն է, պատասխանեց մուրացկանը: Ես մէջը չեմ խառնվում:

— Անունդ ի՞նչ է:

— Ինձ անուանում են «Ծերուկ»: Քառասուն տարի կը լինի, որ այդպէս են անուանում ինձ:

— Բայց չէ՞ որ քառասուն տարի առաջ դու ջահէլ ես եղել:

— Ես չեմ յիշում թէ երբ եմ ջահէլ եղել: Տես, ես և դու մի տարիքի մարդիկ ենք. դու առոյգ ես, առողջ, իսկ ես՝ հազիւ եմ կարողանում ոտներս շարժել:

— Դու այստեղացի ես:

Այստեղացի եմ:

— Դու ինձ սրտեղից ես ճանաչում:

— Ի՞նչպէս չը ճանաչեմ քեզ: Քո կայուածքը այստեղ է: Սրանից երկու տարի առաջ դու գնացիր Անգլիա: Ես քեզ դեռ առաջ էլ շատ եմ տեսել:

— Իսկ ես բոլորովին չեմ յիշում քեզ:

— Ես մուրացկան եմ. մուրացկանին ո՞վ կը յիշի:

— Ես քեզ մօտիկուց տեսել եմ:

— Այն էլ քանի՞ անգամ: Ողորմութիւն ես տուել. տուողը՝ չի էլ նայում. իսկ վերցնողը՝

ամենքին էլ միտն է պահում: Երբեմն օրերով ուտելու հաց չի լինում: Մէկը քեզ մի կոպէկ է շարտում. այդ կոպէկը— հաց է: Ի՞նչպէս կարելի է միտը չը պահել: Իսկ հիմա իմ հերթն է. ես եմ քեզ օգնում:

— Դու ինձ ազատում ես: Ուրեմն աւելի քան օգնութիւն:

— Ազատում եմ: Միայն մի պայմանով:

— Ի՞նչ պայմանով:

— Որ դու այստեղ ոչ մի չար դիտաւորութիւն չունենաս:

— Ընդհակառակը՝ իմ դիտաւորութիւնները բարի են: Ես կուռն եմ ճշմարտութեան համար:

— Եթէ այդպէս է, փառք Աստուծոյ: Հիմա քնենք:

Նրանք միմեանց մօտ պառկեցին խոտի վրա և երկունս էլ քնեցին:

Առաւօտեան, երբ մարկիզը գարթնեց, մուրացկանն արդէն վեր էր կացել: Նա կանգնած էր իր գետնափոր տնակի մօտ, յենվելով փայտի վրա: Արեգակը լուսաւորում էր նրան:

— Ժամի չորսն է, ասաց նա մարկիզին: Մօտիկ եկեղեցու զանգակատան ժամացոյցը խփեց. քամին բերում էր ձայնը: Գիւղում ամեն ինչ հանդարտ է: «Կապոյտները» կամ քնած են, կամ թէ հեռացել են: Հիմա մենք պէտք է միմեանցից բաժանվենք: Ես իմ գործին կը գնամ, դու՝ քո:

— Մնաս բարով: Յետոյ աւելացրեց. — Գնալիս կարող ես հետդ շագանակ վերցնել:

570

Ասաց ու գնաց:

Մարկիզը վերկացաւ. նայեց չորս կողմը: Այնտեղ, ուր նա երէկ պատահել էր մուրացկանին, կանգնեցրած էր մի քարէ հին խաչ, որի վրա կայցրած էր յայտարարութիւն: Այդ յայտարարութիւնը մարկիզը դեռ երէկ էր տեսել և գիտէր, որ այդ էլ այն յայտարարութիւններից մէկն է, որ նա երէկ կարգացել էր: Նա միտը բերեց, որ երէկ մի թին լինելու պատճառով, չկարողացաւ բոլորը պարզ կարգալ: Այժմ արեգակը պայծառ լուսաւորում էր: Գեղեցիկ առաւօտ էր. կարմրակապար թռչունները երգում էին. ծառերը՝ ծլկում: Մարկիզը գնաց դէպի խաչը, որ երէկվայ կիսատ մնացածը կարգայ:

Այն տողերի տակ, որոնցով իրան բռնելու համար պարգև էին խոստանում, մանր տառերով գրված էր.

«Երբ մարկիզ Լանտենակը բռնվի, իսկոյն գնդակահար կըլինի»: Ստորագրված էր. «Վաշտի հրամանատար՝ Գօվէն»:

— Գօվէն... կրկնեց մարկիզը ինքն իրան:

Մի անգամ էլ կարգաց, դառնութեամբ կրկնեց այդ անունը, յետոյ նայեց դէպի հեռուն և գնաց:

Գօվէնը նրա հարազատ քրոջ որդին էր, և միևնոյն ժամանակ նրա թշնամին, որովհետև հանրապետականների կողմն էր և գնդապետ Սիմուրգէնի սանը: Գնդապետ Սիմուրգէնը, որ խելօք և հաստատակամ մարդ էր, սիրում էր Գօվէնին,

ինչպէս իր ընկերներից և ստորադրեալներից ամենալաւին: Բացի դրանից անգաւակ լինելով, Սիմուրգէնը սիրում էր Գօվէնին այնպէս, ինչպէս հայրը սիրում է իր որդուն: Նրանք միևնոյն գաղափարի մարդիկ էին և միևնոյն ձգտումներն ունէին: Արիւնակից չէին նրանք, բայց հոգւով միմեանց շատ մօտ էին: Սիմուրգէնը ամենալաւ մարդն էր: Նրանք երկուսն էլ ջերմ կերպով սիրում էին հայրենի երկիրը, երկուսն էլ պատրաստ էին իրանց կեանքը զոհել հայրենիքի համար, երկուսն էլ Լանտենակին և նրա կողմնակիցներին համարում էին հայրենիքի թշնամի:

II

Ա Ն Ե Ր Մ Ո Ւ Ն Ք

Մուրացկանը հեռու գնաց: Նա վերադարձաւ ուշ, իրիկնադէմին: Վերադառնալիս նա տեսաւ, որ գիւղից մեծ ծուխ է բարձրանում: Մուխը գանազան տեսակ է լինում, նայած թանձրութեանը և զոյնին: Նա լինում է հանգարտ, այդ վառարանի ծուխն է, երբ ընտանիքը իր համար կամ ճաշ է պատրաստում, կամ ընթրիք. լինում է զարհուրելի, չարագուշակ, այդ՝ հրդեհի ծուխն է: Մուրացկանը իսկոյն գլխի ընկաւ, որ իր տեսած ծուխը չարագուշակ է. ծխի քուլաները՝ բոբբոբված կրակի միջից վեր էին բարձրանում. երկինքը կարմրել էր կրակի բոցերից:

Նա գնաց դէպի գիւղի կողմը: Նա կամենում էր իմանալ, թէ ինչ է պատահել այնտեղ:

Մօտակայ բլրակից ամեն ինչ պարզ երևում էր. գիւղի տեղը մնացել էր այրվող աւերակների մի կոյտ:

Մուրացկանը կարծես քար կտրեց: Նրա առաջ անազին խարոյկը վառվում, բորբոքվում էր, արգելող չըկար: Մարդու հետք անգամ չէր երևում. ձայն չէր լսվում:

Բայց ռոտեղ են թագ կացել բնակիչները: Ճշմարիտ է, նոցա թիւը մեծ չէր, որովհետև գիւղն էլ փոքր էր, բայց եղածներն ուր են: Ծերուկի համար այդ հանելուկ էր: Նա շտապեց լուծել այդ հանելուկը: Նրա սիրտը կտոր-կտոր էր լինում:

Մօտենալով, նա տեսաւ մի սարսափելի սև կոյտ, որը մի կողմից թոյլ կերպով լուսաւորված էր լուսնի լուսով, միւս կողմից՝ հրդեհի լուսով: Դրանք զիականք էին: Ծերուկը կ'աղաչուէր, որ անտղի: Սպանված զինւորներ էին դրանք: Այն «կապոյտներից», որոնց նախընթաց երեկոյին նա կենդանի էր տեսել: Ահա էլի զիականք. դարձեալ զիականք: Վիրաւորված չը կայ, ամենքը մեռած են: Երեկ յաղթողները դիտմամբ էին բոլորին սպանել:

Այդտեղ ընկած էին երկու կին, միմեանց մօտ, պատի տակ: Մէկի գլուխը չորս գնդակ էր ծակել: Միւսը գունատ էր, աչքերը փակ, կարծես ուշաթափված լինէր: Մուրացկանը շօշափեց նրա ուսի բոլորակ վերքը և կտորած ոսկորը. բայց մարմինը դեռ տաք էր: Նա ձեռքը դրեց նրա կրծքի վրա: Սիրտը թոյլ կերպով բաբախում էր:

— Այստեղ կենդանի մարդ չը կայ, կանչեց նա բարձրաձայն:

Մի ինչ որ ձայն պատասխանեց. — Այդ դու ես, Ծերուկ:

Աւերակների միջից երկու գլուխ երևացին: Երկու գիւղացի կարողացել էին ազատ մնալ կոտորածից: Նրանք սիրտ արին և զուրս եկան աւերակների միջից: Մօտեցան մուրացկանին: Ծերուկը մատով նրանց ցոյց տուեց՝ իր ոտների մօտ ընկած կնոջը:

— Կենդանի է, հարցրեց մէկը:

Ծերուկը գլխով արեց:

— Իսկ միւսը: Գիւղացին ցոյց տուեց միւսին:

Ծերուկը գլխով բացասական պատասխան տուեց: Գիւղացին սկսեց ցածր ձայնով պատմել, վախենալով ձայնը բարձրացնելու:

Ահա, ինչպիսի անգթութիւններ են գործում... Տունս այրեցին... Ո՛հ, որքան ես Աստուծուն փառք էի տալիս, որ կին, երեխայ չունիմ: Տէր իմ Աստուծա՛մ, որքան մարդ կտորեցին: Ամենքին, ում կարողացան: Մարիամը, ահա այս վիրաւորվածը, երեք երեխաներ ունէր: Երեք փոքրիկ մանուկներ: Երեխաներն ազդակում էին «մայրիկ» էին կանչում. մայրն էլ երեխաներին էր կանչում: Մօր վրա հրացան արձակեցին, իսկ երեխաներին վերցրին իրանց հետ տարան: Տէր Աստուծա՛մ, ինչպէս մարդիկ դազան են դառնում: Յարձակվեցան: Ո՛չ ոք չէր սպասում... Ուրեմն մայրը կենդանի է: Պէտք է նրա համար հողալ-

Քո բնակարանը տանենք: Ծերուկ:

Մուրացկանը դարձեալ գլխով արեց: Նա չէր կարողանում խօսել: Հաստ ճիւղեր կտրածեցին, պատգարակ շինեցին, և վրան դնելով վիրաւորվածին՝ տարան:

Ճանապարհին, գիւղացիներին մէջ, նոյն օրվայ անցքի մասին էլի խօսակցութիւն սկսվեց:

— Բոլորին կոտորեցին: Ամեն ինչ այրեցին:

— Ա՛յ, թէ ինչէր են անում հիմա:

— Տեսա՞ր, ինչպէս էին սպանում:

— Ի՞նչպէս չը տեսայ. մի բարձրահասակ մարդ կար, նա էր հրամայում սպանել:

— «Սպիտակներին» մի ամբողջ զօրաբաժին յարձակվեց: Իսկ այդ բարձրահասակ մարդը նրանց գլխաւորն է, մարկիզը:

— Ի՞նչ մարկիզ:

— Այստեղի մարկիզը, Լանտենակը: Ասում են, նոր է վերադարձել Անգլիայից: Տեղեկութիւն ստացվեց, որ նաւով եկել է: Ուղեցին նրան բռնել, բայց նա, ինչպէս երևում է, ծպտեալ կերպով կարողացել է գալ և միանալ իր կողմնակիցներին: Նրա կողմնակիցները սպասում էին նրան: Նա իսկոյն նրանց օգնութեամբ յարձակվեց «կապոյտներին» վրա: Իսկ գիւղը հրամայեց կրակ տալ նրա համար, որ թոյլ էին տւել «կապոյտներին» մտնել գիւղը: Ախր գիւղացին ինչպէս չը թոյլ տայ, որ զօրքը մտնի գիւղը:

Մուրացկանը ինքն իրան ասաց. «Հ՛ը...այ

թէ ինչպիսի խաղ խաղաց Լանտենակը: Եթէ առաջուց իմանայի՞...»

III

Մ Ա Յ Ր Ը

Մարիամը ծանր կերպով էր վիրաւորված. գնդակը վրասել էր թոքի վերին մասը: Գիւղացիներին մէջ Ծերուկը բժիշկ էր համարվում. նա երբեմն բժշկում էր գիւղացիներին: Ոմանք ասում էին, որ նա կախարդութեամբ է բժշկում:

Վիրաւորվածը պառկած էր նրա գետնափորում: Ծերուկը վէրքերի վրա ինչ որ դեղ գրեց. վիրաւորվածը կամաց-կամաց առողջանում էր:

Մի անգամ հիւանդը Ծերուկի օգնութեամբ կարողացաւ դուրս գալ խրճիթից և նստել ծառի տակ Արևը տաքացնում էր նրան: Նա երկար նայում էր պէպի հեռու, հեռու...

Ծերուկը ուրախ էր, որ կարողացաւ առողջացնել վիրաւորվածին: Նա ժպտալով ասաց.

— Վէրքերդ, փառք Աստուծոյ, առողջացան: Հիւանդը պատասխանեց.

— Գլխաւոր վէրքը չառողջացաւ:

Նա դեռ ևս դժուարութեամբ էր կարողանում խօսել: Մի քիչ լռելուց յետոյ աւելացրեց.

— Դու չը գիտե՞ս որտեղ են նրանք:

— Ովքե՞ր, հարցրեց Ծերուկը:

— Երեխաներս:

Առաջ էլ նա զառանցանքների մէջ անգաղար նրանց անունը տալիս էր Ծերուկը աշխա-

տում էր մոռացնել տալ, որ նա չը վրդովվի: Սուս
ասել, յուսադրել նրան, — նա չէր կարողանում:
Երեխաների մասին ինքն էլ ոչինչ չը գիտեր և
կարծում էր, որ նրանք արդէն մեռած են:

Տեսնելով, որ իրան չեն պատասխանում,
կինը կրկնեց համարեան թէ գոռալով.

— Ո՞րտեղ են երեխաներս:

— Ծերուկը կախ գցեց գլուխը, ինչպէս յան-
ցաւոր: Նա սկսեց մտածել, որ եթէ ինքը ազա-
տած չը լինէր Լանտենակին, այդ կինը հիմա
այդքան դժբախտ չէր լինիլ:

— Այսպէս էլ բան կը լինի, մտածեց նա. —
ուզեցայ բարութիւն անել, բայց չարութիւն դուրս
եկաւ: Ես նրան խղճացի, իսկ նա չի խղճում:

Մուրացկանի սիրտը լցված էր դառնու-
թեամբ: Բարի գործը ճնշում էր նրան, ինչպէս
յանցանք: Գայլին ազատեց, և ոչխարների կորըս-
տեան պատճառ դարձաւ:

— Այսպէս չի կարելի ասաց կինը:

— Ի՞նչը չի կարելի:

— Ձիմանալ թէ ո՞ր են երեխաներս: Աւելի
լաւ է մեռնեմ, քան թէ նրանց մասին տեղեկու-
թիւն չունենամ:

— Մի վրդովվիր: Տեսդրդ կաւելանայ:

Մարիամը բարկացած հարցրեց. — Ե՞րբ կա-
րող եմ հեռանալ այստեղից:

— Հեռանալ:

— Ի հարկէ հեռանալ: Միշտ խօ չեմ նստելու
այստեղ:

— Եթէ վրդովվես, երկար ժամանակ կըմնաս:
Իսկ եթէ հանդարտ կենաս, այն ժամանակ շուտով
կարող ես հեռանալ:

— Ի՞նչպէս հանդարտ կենամ: Դու չես հաս-
կանում: Դու որդիք չունիս, իսկ ես ունեմ: Բայց
ո՞րտեղ են նրանք: Ով որ չէ տեսել, նա չէ կա-
րող դատել: Դու երբէք գաւակ չես ունեցել:

— Ո՞չ, պատասխանեց մուրացկանը:

— Հէնց բանն էլ դրանումն է: Ես գաւակ-
ներ ունեմ: Ինչո՞ւ համար նրանք ինձ մօտ չեն:
Ձը գիտեմ, ի՞նչ է պատահել: Ես ոչինչ չը հաս-
կացայ: Ամուսնուս սպանեցին, ինձ վրա հրացան
արձակեցին: Եւ որդիքս էլ մօտս չեն: Այն ի՞նչ բան է:

— Մի խօսիր, ասաց Ծերուկը: — Կը վնասես
քեզ. ինչքան շատ վրդովվես, այնքան էլ կը վա-
տանաս:

Կինը լռեց: Այնպէս լռեց, որ մի խօսք ան-
գամ չէր կարելի դուրս քաշել նրա բերանից. Ամ-
բողջ օրերով նա նստում էր ծառի տակ և տեղից
բոլորովին չէր շարժվում: Երևի միշտ իր երեխա-
ների մասին էր մտածում: Ծերուկը սկսեց վախե-
նալ, թէ մի գուցէ խեղճ կինը խելագարվի: Փոր-
ձեց զբաղեցնել նրան: Ասում էր, որ ուրախու-
թեամբ նրա հետ միասին կը գնար երեխաներին
որոնելու, բայց ցաւը նրանումն է, որ ձեր է,
երկար ման գալ չի կարողանում:

Մի անգամ նա բերեց նրա համար թել, որով
և մատնոց. ուզեց կար անել տալով՝ զբաղեցնել
նրան. Մարիամը սկսեց կար անել, կար կարեց էր



հագոստը: Հէնց մուրացիւանն էլ այդ էր ուզում,
որ նա անդադար միևնոյն բանի մասին չը
մտածի:

Կարելու ժամանակ երբեմն մի ինչ որ տխուր
բան էր երգում: Շատ կամաց ձայնով անուններ
էր տալիս. երևի իր որդոց անուններն էր տալիս:
Վերջապէս նա մի օր իր համար մի տուպրակ կա-
րեց և շագանակով լցրեց: Առաւօտեան Ծերուկը
տեսաւ, որ նա պատրաստվում է գնալու:

—Ո՞ւր, հարցրեց նա:

Մարիամը պատասխանեց.

—Գնում եմ նրանց որոնելու:

Ծերուկը մինչև անգամ չը փորձեց արգելել
նրան:

Մարիամը գնում էր, ուր որ աչքը տեսնում
էր: Գնում էր առանց ցերեկ և գիշեր նայելու.
ուտում էր, ինչ որ պատահում էր, ողորմութիւն
էր խնդրում. եթէ հաց չէր գտնում, խոտ էր ու-
տում. քնում էր մերկ գետնի վրա, թուփերի տակ,
բաց դաշտում, երբեմն էլ անձրևի տակ: Գնում
էր գիւղից գիւղ, տնից տուն: Ամեն տեղ հարց
ու փորձ էր անում: Կանգնում էր շէմքերի մօտ:
Նրա հագուստը գզգզվել էր: Երբեմն էլ հալա-
ծում էին: Երբ տներից հալածում էին, նա ան-
տառների միջով էր գնում:

Ճանապարհը նրան անծանօթ էր, մինչև այդ
ժամանակ՝ նա իրանց գիւղից հեռու չէր գնացել.
գնում էր առանց իրան հաշիւ տալու. չիմանալով
թէ ո՞ւր է գնում, նա շատ անգամ, իզուր տեղը,

այս ու այն կողմ էր գնում. երբեմն նա պտտում
էր համարեա թէ միևնոյն տեղում. առանց այդ
նկատելու: Կամ մեծ ճանապարհով էր գնում.
կամ թէ կածաններով: Առաջ պտտոտած կօշիկ-
ներով էր, յետոյ երբ կօշիկները բոլորովին պա-
տուվեցան, բոբիկ, վերջապէս արիւնաթաթախ
ոտներով էր ման գալիս:

Ասում էին, որ մօտիկ մի տեղում պատե-
րագմում են, բայց նա պատերազմի հետ դորձ
չունէր. նա կարծես ոչինչ չէր տեսնում, ոչինչ
չէր լսում, ոչնչից չէր վախենում: միայն իր երե-
խաներին էր փնտրում: Ամեն մի պատահողին
հարցնում էր. —Երեք երեխաներ չէ՞ք տեսել:

Չարմացած նայում էին նրա վրա:

—Չէք տեսել՝ երկու փոքրիկ տղայ և մի աղ-
ջիկ, աւելացնում էր նա:

Յետոյ էլի աւելացնում էր. —Մեծը չորս ու
կէս տարեկան է, փոքրը մի տարեկան և ութ
ամսական: Չէք տեսել:

Դարձեալ նայում էին նրա վրա՝ առանց պա-
տասխանելու: Նա շարունակում էր. —Նրանց խել
են ինձանից: Իսկ նրանք իմս են: Ահա թէ ինչու
եմ փնտրում:

Մարդիկ բացասական կերպով գլուխները
շարժում էին և հեռանում:

Բայց մի անգամ, մի գիւղացի կանգ առաւ:
Սկսեց մտաբերել:

—Երեք երեխաների մասին ես հարցնում,
հարցրեց նա:

LEBER

—Այն:

—Երկուսը տղայ է:

—Այն: Մէկ էլ մի աղջիկ:

—Լսել եմ, որ մի գորաբաժնուժ երեք երեխայ կայ: Հրամանատարը, Չը գիտեմ որտեղ, հրամայել է վերցնել նրանց: Պէտք է որ նրա մօտ լինեն երեխաները:

—Որտեղ, բացականչեց մայրը:

—Գնա՛ Տուրգ, ասաց գիւղացին:

—Այնտեղ կը գտնե՛մ երեխաներիս:

—Կարելի է գտնես:

—Ի՞նչպէս է անու՛նը:

—Տուրգ:

—Ի՞նչ բան է Տուրգը:

—Տեղի անուն է:

—Գի՛ւղ է:

—Չը գիտեմ, չեմ եղել այնտեղ:

—Հեռո՛ւ է:

—Ո՞ր կողմն է գտնվում:

Գիւղացին ցոյց տուեց ձեռքով.—Տեսնո՛ւմ ես դէպի այն կողմը գնա, ուր արեգակը մայր է մտնում:

Կինը իսկոյն ճանապարհ ընկաւ: Գիւղացին նրա յետևից կանչեց.

—Բայց զգոյ՛շ կաց, այնտեղ կռիւ կայ:

Կինը իսկի յետ էլ չը նայեց, և շարունակեց իր ճանապարհը:

IV.

Բ Ա Ն Ա Կ Յ Ո Ւ Թ Ի Ւ Ն

Տուրգը՝ բերդ էր: Նա նման էր բոլորակ բուրգի և շինված էր ժայռի վրա: Բերդը ժայռի նման ամուր էր: Լանտենակը իր մարդկանցով փակվել էր այնտեղ: Գօվէնը պաշարել էր բերդը: Լանտենակի մարդկանցից քիչ էր մնացել, որովհետև գիւղի աւերումից յետոյ՝ նա ստիպված էր էլի մի քանի կռիւներ մղել: Գօվէնը անհամեմատ ուժեղ էր, մանաւանդ որ նրանից ոչ հեռու գրաւում էր Սխուրգէնի ամբողջ գունդը:

Մի անգամ, երեկոյեան, երբ դեռ նոր էին դուրս եկել ասաղերը և անտառում տիրում էր խորին լուռութիւն,—ոչ մի տերև, ոչ մի խոտ չէր շարժվում,—աշտարակից լսվեց պատերազմական փողի զիլ ձայնը: Ներքևից նոյն կերպով պատասխանեցին:

Այդ ձայնի վրա՝ բանակի մարդիկ իրար անցան՝ ինչպէս մըջիւնները մըջնանոցում:

Փողը հնչեց երկրորդ անգամ, նրան պատասխանեցին ներքևից:

Այդ բերդը և բանակն էին միմեանց հետ բանակցում: Բերդը հարցրեց.—Համաձայն է՞ք լսել մեզ:

Բանակը պատասխանեց.—Համաձայն ենք:

Մի քանի րոպէով հաշտութիւն կայացաւ:

Փող-փչողը բարձրաձայն և պարզ կերպով սկսեց իր ճառը.

—Լսեցէ՛ք: Ես խօսում եմ մարկիդ Լանտե-

նակի կողմից, կրկնում եմ նրա խօսքերը: Ձեր կոխը մեզ հետ անարդար է: Մենք այստեղ ապրում էինք խաղաղ կերպով և ոչ ոքի վատութիւն չենք արել: Դուք ձեր մէջ նոր կարգեր էք սահմանել և եկել մեզ դէմ, որ զօրով ստիպէք մեզ ապրել ձեզ նման: Դուք սկսել էք այրել մեր տները, սպանել մեր կանանց և որդոց: Դուք մեր դէմ անտառներում թակարդներ լարեցիք. իսկ հիմա էլ պաշարել էք մեզ այստեղ: Դուք շատ էք, մենք քիչ: Դուք ամբողջ գունդ էք կազմում, իսկ մենք ընդամենը տասն և իննը հոգի ենք այստեղ: Մի մեծ քաջագործութիւն չէ, եթէ մեզ յողթէք, բայց մենք հեշտութեամբ անձնատուր չենք լինիլ: Մարկիզ Լանտենակը հրամայում է ասել ձեզ.—Մեզ մօտ այստեղ երեք երեխաններ կան. մերոնք դրանց յափշտակել են այն գիւղում, ուր մենք շարդեցինք ձեր վաշտը: Կամենում էք թողնել մեզ ամենքիս՝ տասն և ինն հոգուս, որ ազատ, անվնաս անցնենք ձեր մօտով: Այդ գէպքում այն երեխաներին ձեզ կը յանձնենք, իբրև փրկանք մեզ համար: Եթէ մերժէք, մենք բերդը կրակ կը տանք: Երեխաներն էլ մեզ հետ կը ոչնչանան: Այն ժամանակ նրանց մեղքը ձեր վրին: Այդպէս էլ իմացած եղէք: Եթէ մեզ կը թողնէք հեռանալ, նրանք կազատվեն. իսկ եթէ ոչ՝ նրանք կը մեռնեն: Վճռեցէք:

Բերդից խօսողը լռեց: Ներքևից պատասխանեցին.—Ամենքին՝ առանց մի որ և է արգելքի բաց կը թողնենք, բացի Լանտենակից: Նա պէտք է մեռնի:

Բերդից պատասխանեցին.—Մեր պայմանները չենք փոխիլ: Երեք երեխաներին տալիս ենք իբրև փրկանք ամենիս համար, առաջինից մինչև վերջինը:

Միմուրդէնը ինքը պատասխանեց, կարճ և խիստ կերպով.—Մենք համաձայն չենք:

Գօվէնը մի քիչ մեղմ կերպով աւելացրեց,—Քսան և չորս ժամ ժամանակ ենք տալիս: Խորհեցէք:

V.

Հ Ն Տ Ա Խ Ո Ղ Ն Ձ Ո Ն Թ Ի Ն Ն

Մարիամը անգաղար առաջ էր գնում դէպի այնտեղ, որ նրան ցոյց էին տուել: Մի անգամ նա անցնում էր մի գիւղով: Այդտեղ մարդիկ հաւաքվել էին պատին կայքրած մի ինչ որ թղթի մօտ: Մէկը կարդում էր, միւսները լսում էին.

«...Մահւան պատժի կենթարկվի նա, ով որ կը համարձակվի ուտելեղէն կամ թէ մի որ և է օգնութիւն հասցնել վերև յիշված տասն և իննը ապստամբներին, որոնք թագնաված են Տուրգում...»

—Տուրգում, հարցրեց Մարիամը:

Հէնց որ նրա աղանջին հասաւ այդ անունը, նա մոռացաւ ամեն բան, և այլ ևս ոչ մի խօսքի վրա ուշադրութիւն չէր դարձնում: Նրա վրա կասկածանքով նայեցին:

—Տուրգում, կրկնեց նա:

Մի կին՝ հաճարից թխած հացով լի գամբիւղը ձեռին, մօտեցաւ նրան և շնչաց.—Լոբր:

Մարիամը լռեց, չը հասկանալով թէ ինչո՞ւ պէտք է լռել: Միթէ չի՞ կարելի հարցնել: Նա

գնաց կանգնեց մի ուրիշ տէղ և կրկին սկսեց լսել:

Սօսում էին միևնոյն թղթի մասին:

Մէկը ասում էր.—Կարծում են, որ եթէ նրանց բռնեն, ամեն բան կը վերջանայ: Կարծես թէ բոլորը տասն և իննը հոգի են:

Միւրը աւելացրեց.—Լաւ հաշիւ է: Դրանց կը բռնեն, ուրիշները դուրս կը գան:

—Ի՞նչ յիմար էք, ասաց մի ծեր գիւղացի.— Կարծում էք շո՛ւտ կը գտնվի մի ուրիշ Լանտենակ: Նրանց գլխաւոր ցաւը Լանտենակն է. նրան են ուզում բռնել. իսկ նա հիմա նրանց ձեռքումն է:

—Դեռ ոչ բոլորովին, անվտանգ կերպով ասաց մի շահէլ գիւղացի:

Ծերունին շարունակեց.—Լանտենակը բոլորի հոգին է: Առանց նրան՝ մնացածները ոչինչ:

Մէկը հարցրեց.—Իսկ ի՞նչով է աւելի Լանտենակը:

Նրան պատասխանեցին.—Նա ոչ ոքի չէ խնայում: Մինչև անգամ կանանց վրա էլ է հրացան արձակում:

Մարիամը ասաց.—Այդ ուղիղ է:

Այդ խօսքերը լսելով՝ ամենքն էլ նայեցին նրա վրա: Մարիամը աւելացրեց.

—Նա հրամայեց ինձ վրա հրացան արձակել:

Նրա տեսքը զարհուրելի էր. ցնցոտիներ հագած, մազերը գգգած, Կէմքը վայրենի:

—Իսկ և իսկ աւագակ է, մըմըթաց մի գիւղացի:

—Լրտեսելու չը լինի եկած, ենթադրեց միւրը:

—Լո՛իր, հեռացիր, կրկին ասաց հաց ծախող գեղջկուհին, մօտենալով նրան:

Մարիամը պատասխանեց.—Ես ոչ մի վառ բան չեմ անում. ես իմ երեխաներիս եմ որոնում: Գեղջկուհին նայեց բոլորին, մատը դրեց ճակատի վրա և ասաց.—Սեղը տեղը չի:

Յետոյ մի հաց տուեց նրան և ասաց.—Կեր: Մարիամը վերցրեց՝ առանց շնորհակալութիւն անելու, և սկսեց ագահութեամբ կծոտել:

—Սրա խելքը տեղը չի, վճռեցին գիւղացիք. կարծես զազան լինի որսը պատռտում:

Մէկը միւսի յետևից նրանք ցրվեցին. մնաց միայն հաց ծախող կինը: Հացն ուտելուց յետոյ Մարիամը հարցրեց նրան.—Կարո՞ղ ես ասել թէ որտեղ է գտնվում Տուրգը:

—Թո՞ղ այդ Տուրգը, այ անբախտ: Բաւական է:

—Ես պէտք է Տուրգ գնամ: Ի՞նչպէս գնամ:

—Ի՞նչ ես կրկնում՞ Տուրգ, հա՛ Տուրգ: Սեղք գնացել է, ի՞նչ է, այդ Տուրգի համար: Ինչո՞ւ ես գնում այնտեղ... Աւելի լաւ է գաս ինձ մօտ և հանգստանաս: Անշուշտ յոգնած կը լինես:

—Ես ժամանակ չունեմ հանգստանալու, ասաց Մարիամը:

—Նայիր տես ոտներդ ի՞նչ օր են ընկել, ցոյց տուեց գեղջկուհին:

Մարիամը սկսեց պատմել.

—Երեխաներիս զողացել են: Մի աղջիկ և

երկու տղայ: Հիմա ես անտառից եմ գալիս. ինձ բռնակեց Մերուկը, մուրացկանը: Իմ ոսկորներից մէկին գնդակ էր դիպել: Կարող ես նրանից հարցնել: Այս ամենը եղած բան է: Ես ինձանից չեմ հնարում: Երեք երեխաներ եմ ունեցել: Ես այդ կարող եմ ապացուցանել: Փոքրը աղջիկ է, անունն է Ժօրժետա: Ամուսնուս սպանել են: Նա ոչ մի վատ բան չէր արել: Յոյց տուեցէք ինձ ճանապարհը: Ես խելագար չեմ. ես մայր եմ, երեխաներիս եմ փնտրում: Ահա ամենը: Տուր՞ք եմ գնում: Ճանապարհը չեմ ճանաչում: Այսօր մի դատարկ ամբարի մէջ եմ գիշերել: Ես լրտես չեմ: Ես ճշմարիտ եմ ասում: Եւ ինչ կայ ինձ չօգնելու, երբ ես երեխաներիս եմ որոնում: Ես այստեղացի չեմ: Բսկ ինձ վրա հրացան արձակեցին, չը դիտեմ ինչո՞ւ:

Հաց ծախող կիներ շարժեց գլուխը և ասաց.— Լսիր, սիրելիս: Հիմա վտանգաւոր ժամանակ է: Հարկաւոր չի այդպիսի անմիտ բաներ խօսել: Կը կարծեն, թէ խորամանկութիւն ես անում, լրտես ես: Կը ձերբակալեն քեզ:

— Ինձ միայն Տուրգի ճանապարհը ցոյց տուէք: Ինչպէ՞ս գնամ այնտեղ: Ի սէր Աստուծոյ, ասացէք:

Հաց ծախող կիներ բարկացաւ.

— Քեզ բան հասկացնել չի լինիլ: Չը գիտեմ՝ որտեղ է Տուրգը: Գիտենամ էլ, չեմ ասիլ:

— Բայց ես էլի կը գնամ այնտեղ, ասաց Մարիամը և հեռացաւ:

Բարեսիրտ գեղջկուհին նայեց նրա ետեւից և ասաց.— Մէկն էլ տամ ճանապարհի համար...

Վազելով հասաւ նրան, էլի մի հաց տուեց և ասաց.— Յետոյ կը քաղցածանաս, կուտես:

Մարիամը լուռ վերառաւ հացը: Մի քիչ յետոյ գիւղի ծայրին նրան պատահեցին երկու աղջիկ. հացը տուեց նրանց:

Նրա առաջ կար մի անտառ: Նա գնաց անտառով: Միևնոյն չէ՞, թէ որտեղով գնայ, քանի որ ոչ ոք չէ կամենում ցոյց տալ ճանապարհը: Նա երկար ժամանակ գնում էր: Առաջ կածանով էր գնում, յետոյ կածանը կորցրեց. ծառերի ճիւղերը չէին թողնում, որ նա առաջ գնայ, բայց նա էլի գնում էր: Ո՞ւր: Ա՛խ, եթէ այնտեղ լինէր գնում, ուր հարկաւոր էր: Սկսեց կանչել. ոչ ոք չը պատասխանեց: Իր առջև մի վտակ տեսնելով, չոքեց և ջուր խմեց: Յետոյ սկսեց աղօթել:

Շուտով վերջացաւ անտառը, որի ետեւ կար մի շատ նեղ ձոր, իսկ մի քիչ դէնը— մի տափարակ և լայն բլրակ՝ ծածկված մանր թփերով: Նա տեսնում էր իր առաջ անազին տարածութիւն, և այդ ամբողջ տարածութեան վրա չէր երևում ո՛չ մարդ, ո՛չ էլ բնակութիւն:

Այդ ամայութիւնը տեսնելով, խեղճ կիներ յուսահատվեց: Ոտները ծալվում էին: Նա սկսեց խելագարվածի նման կանչել.— Ո՛չ ոք չը կայ այստեղ:

Եւ կարծես իբրև պատասխան նրա հարցին,

ոչ շատ հեռու մի տեղից՝ որոտմունքի նման մի ձայն լսվեց: Դա որոտմունք չէր, այլ հրացանի կամ թնդանօթի ձայն:

Դժբախտ կինը տեղիցը վեր թռաւ, կենդանացաւ:—Կարելի է այնտեղ են...

Նա սկսեց բարձրանալ բլրակի գլուխը: Մի քանի ընկերացիներ չեմոյ նա իր առաջ, ժայռի վրա տեսաւ մի բերդ, իսկ բերդի յետև թանձր, մըթին անտառ:

Մարիամը գնաց դէպի այդ բերդը: Մութը կոխում էր գետինը:

Այդ ժամանակ լրացաւ այն պայմանաժամը, որ նշանակել էին Լանտենակի թշնամիները:

VI

Յ Ա Ր Չ Ա Կ Ո Ւ Մ

Պայմանաժամը լրացած՝ Գովէնը առաջ տարաւ իր զօրքը, որ յարձակմամբ վերցնի Տուրգը: Պատի ներքևի մասը արդէն սաստիկ կերպով վրնասովել էր գնդակներից, սակայն բերդի մարդիկը չը հուսահատվեցին. բարձրացան երկրորդ յարկը և այնտեղից կատաղի կերպով հրացանաձգում էին: Զինուորները գնդակահար էին լինում և միմեանց ետևից ընկնում:

Այդ ժամանակ ունտեր-օֆիցեր Բադուբը մտածեց մի շատ դժուար գործ կատարել, երկու ատրճանակ գօտին խրած՝ նա դրսի պատով մա-

պցեց մինչև երրորդ յարկը: Կատուի ճարպիկութիւն էր հարկաւոր դրա համար: Բադուբը ունէր այդ ճարպիկութիւնը: Նա բարձրացաւ հէնց դէպի այն սենեակը, ուր գետեղված էին զէնքերը: Լուսնեակի լոյսը օգնեց նրան տնտղել հրացանները և ատրճանակները:

Մինչև այդ ժամանակ պաշարվածների վրա հրացան էին արձակում միայն ներքևից. այժմ նրանց վրա գնդակներ էին տեղում և վերևից, երրորդ յարկից: Միաժամանակ երկու հոգի ընկան մեռած. մնացածները շտապեցին թաղնվել սենեակներից մէկում: Ոչ ոքի մտքովն անգամ չէր անցնում, որ վերև միայն մի մարդ կայ:

—Ճար չը կայ պէտք է մեռնել, ասաց մարդիկը:

—Միայն թշնամիներին սպանելով, աւելացրեց նրա ընկերներից մէկը:

Բայց այդ ընկերին մի անսպասելի բան պատահեց: Սենեակի անկիւններից մէկում՝ բարձրացաւ մի սալ քար, և այդտեղից, գաղտնի դրոշման տակից, որը առաջ ոչ ոք չէր նկատել, երեւաց մի մարդու գլուխ: Դա մարկիզի հաւատարիմ մարդկանցից մէկն էր:

—Ի՞նչպէս եկար այստեղ, հարցրեց մարկիզը:

—Բացատրելու ժամանակ չկայ: Փախէք: Այս անցքով գնացէք, և տասը ընկերացիներ յետոյ՝ կը համնէք անտառը:

—Շատ լաւ: Ամենքդ դուրս եկէք... Իսկ ես ամենից յետոյ... ասաց Լանտենակը:

— Առաջ պէտք է կրակ հցենք, պէտք է մեր ասածը կատարենք, որ լաւ ճանաչեն մեզ, նկատեց մէկը:

— Շնոր, մարկիզ, շտապեցրին միւսները:

Մէկը միւսի ետևից նրանք սկսեցին իջնել նեղ սանդուղքով: Լանտենակը ածուխով սպիտակ պատի վրա՝ խոշոր տառերով գրեց մի քանի խօսք և վառեց պատրոյգը: Կրակը արագութեամբ տարածվեց ամեն կողմ...

Այդ միջոցին թշնամին շուարած էր: Գօվէնը չէր տեսել, թէ ինչպէս Բադուբը վերև բարձրացաւ, և այնտեղից անսպասելի կերպով երևացած օգնութիւնը՝ զարմացրեց նրան: Նա կամեցաւ իմանալ թէ բանը ինչու՞ն է և առ ժամանակ դադարեցրեց յարձակումը: Յետոյ հրամայեց իր զինուորներին, որ սանդուղքով վերև բարձրանան. ասաց որ զգոյշ լինեն և նկատի ունենան, որ դռներից մէկի ետև թշնամին կարող է դարան մտած լինել. ապա թէ ոչ կրկին կը սկսվի հրացանաձգութիւն և մարդկանց կոտորածը:

Իսկ Բադուբը մնաց վերև, և չէր հասկանում, թէ ինչու ամեն բան հանդարտվեց. նա սպասում էր, մինչև որ իր օգնութիւնը կրկին հարկաւոր կը լինի:

Գառորդ ժամ անցաւ, մինչև որ գործը պարզվեց: Զինուորիները հրացանների կոթով կոտրեցին դուռը, որի յետևը թագ էին կացած «սպիտակները», և այնտեղ, դատարկ սենեակում, տեսան բաց, գաղտնի անցքը: Գօվէնը կարգաց ածուխով

գրած խօսքերը. — «Յտեսութիւն, քրոջ որդի»: Ստորագրված էր՝ «Լանտենակ»:

Յետևից ընկնելը միտք չուներ: Պարզ էր, որ այդ անցքը պէտք է տանի դէպի անտառը. իսկ փախստականին փնտրել անտառի մէջ՝ նոյնքան ծիծաղելի կը լինէր, որքան այնտեղ ասեղ փրկուրելը: Գօվէնը և Սիմուրդէնը ամենից կարևոր համարում էին Լանտենակին բռնելը. բայց ինչպէս իմանալ թէ նա երբ է փախել: Նրանք կարծում էին, թէ նրա հետքն անգամ արդէն կորած կը լինի... Ուրեմն բերդի վերջնելը ոչ մի հետևանքի չը հասցրեց. Սակայն Լանտենակը այնքան էլ հեռու չէր գտնվում, որքան կարծում էին: Համելով անտառը, նա իսկոյն արձակեց իր բոլոր մարդկանց, որոշելով թէ ուր և երբ պէտք է կրկին հաւաքվել: Ամենքը զիւղացու հասարակ հագուստով էին, ինչպէս և ինքը Լանտենակը: Յրվել անտառի զանազան կողմերում և ազատվել շոկ-շոկ—դժուար բան չէր:

Մարկիզը կանգ առաւ: Նա ուրախ էր, որ ինքը ազատ է: Մի փոքր առաջ նա գնում էր դէպի մահուան դուռը: Մահից, ի հարկէ, չէր վախենում, բայց էլ լաւ էր համարում կենդանի մնալ: Նայեց ժամացոյցին. ժամի տասն էր: Այդ նրան զարմացրեց: Դեռ տասն է: Յարձակումն սկսեց ութին: Մթթէ այն ժամանակից ի վեր այդքան բիշ ժամանակ է անցել. Հարիւր և քսան րոպէ: Եւ որքան տանջանք կրեց այդքան կարճ ժամանակում... Նա ժամացոյցը զրեց իր

տեղը և փոխելով ճանապարհը, կամեցաւ հեռանալ:

Շրջակայքը սկսեց լուսաւորվել հրդեհի կարմիր լոյսով: Բերդը այրվում էր: Կրակը լափում էր ամեն բան. պատրոյգի ծայրը առաջուց անց էին կացրել դէպի գիւղավառ իրեղէնները, ձիւթի տակառները և դէպի յարդի ու չոր խոտի անագին կոյտերը: Լանտենակը միտը բերեց երեխաներին, որոնք փակված էին երկրորդ յարկում, գրքերի սենեակում: Սյդ սենեակի երկաթէ ծանր դռան բանալին իր գրպանումն էր: Նա ձեռքը տարաւ, և մի առանձին բաւականութեամբ շօշափեց բանալին: Երեխաները կայրվին: Եւ շատ էլ լաւ կը լինի: Չէ որ նա առաջարկեց՝ ազատել նրանց: Մեղաւորը նա է, ով չը համաձայնվեց՝ Թող իմանան, որ ինքը իր խօսքը կատարող մարդ է: Ասաց, որ երեխաները կը ոչնչանան և թող ոչնչանան: Մեղքը նրա շնքին, ով որ չ'ուզեց իրան ազատ թողնել:

Երեք անմեղ երեխաներ, երեք զոհեր: Իսկ ինքը ազատ:

Յանկարծ լավեց մի յուսահատ, աղիողորմ աղաղակ, կամ աւելի լաւ է ասել մի գոռոց, որը տարածելով ամեն կողմ, մարդու սիրտ էր կրտրատում: Սյդ մօր ձայնն էր, որ կանչում էր իր երեխաներին:

Մարիամը մօտեցաւ բերդին և բարձրացաւ նրա դէմ շինած պատնէշը հէնց այն բոլակին, երբ հրեղէն լեզուները բաղեղի չոր ճիւղերով բարձաբանալով՝ ներքին յարկից վերինը, միախառնվե-

ցան, մի անագին բոց կազմեցին և միանգամից լուսաւորեցին ամեն ինչ՝ մօտակայ թանձր անտառի ծառերի գագաթները, բերդի ներսը և նրա առաջ կանգնած բանակը:

Միջին յարկի լուսամուտներից մէկում երեւեցան երեխաների գլուխներ: Մարիամը աղաղակում էր յուսահատ ձայնով: Լանտենակը լսեց և կանգ առաւ: Նա չէր տեսնում կնոջը, բայց նրա դռնն, աղէկաւոր աղաղակները նրա սրտի խորքն էին թափանցում:

— Օգնեցէք, աղաղակում էր խեղճ կինը:— Ազատեցէք: Դրանք իմ երեխաներն են: Նրանք այրվում են: Ով մարդիկ, օգնեցէք: Սյդպէս չի կարելի թողնել: Ի՞նչու են իմ երեխաներս այնտեղ: Ես կը խելագարվեմ: Օգնեցէք, ես նրանց մայրն եմ: Ես օր ու գիշեր ճանապարհ եմ եկել: Նրանք կայրվին: Փրկեցէք: Շուներ որ շուն է, նրան էլ պէտք է խղճալ: Դրանք իմ երեխաներն են: Ես փնտրում էի նրանց: Տէր Աստուած, այս ի՞նչ է: Ինձ վրա հրացան արձակեցին, հիմա էլ երեխաներիս են այրում: Իսկ ես որոնում էի: Կարծում էի թէ չեմ հասնիլ: Ոտներս արիւնաթաթախ են: Ահա եկայ: Գտայ նրանց: Իսկ նրանք աչքերիս առաջին այրվում են: Օգնեցէք: Ազատեցէք: Կամ թէ ինձ էլ սպանեցէք, որ չը տեսնեմ նրանց մահը:

Այն ինչ խեղճ կինը համարեա թէ խելագարվում էր սարսափից, պատնէշի վրա և խրա-

դեր անցկացնել, ձողերն էլ կոտորովեցին...

— Լուցկու նման կոտորովեցին, ասաց մի զինուոր:

Գօվէնը յօնքերը կիտելով նկատեց. — Այս դուռը միայն թնդանօթով կարելի է կոտորել...

— Այն էլ ոչ միանգամից, վրա բերեց զինուորը:

Անտանելի դրուժիւն էր. ամենքի ձեռքերը թուլացան: Լուս, խօրին կարեկցութեամբ կանգնած էին բոլորքեանք: Ստիպվեցան յետ քաշվել: Անդադար տարածվող հրդեհը խափում էր չորս կողմը: Ներքին և վերին յարկերը բոլորովին արդէն կրակ էին ընկել: Կարծում էին, թէ անա մի բոլէ ևս, առաստաղը և յատակը կը քանդվեն: Երեխաներին փրկելու յոյս չը մնաց:

Գօվէնը պատահմամբ նայեց դադանի անցքի բաց դռան և ասաց.

— Լանտենակը նրանց սպանեց, իսկ իրան ազատեց: Հեռացաւ...

— Էլի յետ դարձաւ, ասաց մի ձայն:

Քրոջ որդին իր առջև տեսաւ իր մօրեղբօր այլևոր գլուխը:

Ձինուորները յետ քաշվեցին: Մարկիզը, մի մեծ բանալի ձեռքին, սենեակով անցաւ ուղղակի դէպի երկաթէ դուռը: Դուռը բացվեց: Սենեակից դուրս խփեցին ծխախառն կրակի լեզուները: Մարկիզը կանգ չառաւ. նա անհետացաւ ծխի մէջ: Նոյն բոլէին յատակի մի մասը քանդվեց նրա ետևից: Սպանվեց նա՝ թէ ոչ, — որոշել անկարելի էր: Գօ-

մատում բազմաթիւ զինուորների ձայներ էին լսվում.

— Սանդուղք դիր:

— Սանդուղք չը կայ:

— Պէտք է որ լինի:

— Պէտք է որ լինի, բայց չը կայ:

— Զուր տուէք այստեղ, շուր:

— Զուր չը կայ:

— Ուրեմն դոնսով պէտք է մտնել:

— Դուռը երկաթի է:

— Պէտք է կոտորել:

— Անկարելի է կոտորել:

Իսկ թշուառ կինը շարունակում էր ազդագակել:

— Շուտ. նրանք կայրվեն: Ի՞մ սիրելի որդիքս: Միթէ նրանց չէն ազատիլ: Ինձ էլ նրանց հետ սպանեցէք: Ինձ էլ կրակի մէջ գցեցէք:

Մարկիզը կրկին շօշափեց իր գրպանի բանալին: Յետոյ, իսկոյն կռանալով, անյայտացաւ նոյն գաղտնի անցքում, որից դեռ նոր էր դուրս եկել:

VII

ՔԱՋԱԳՈՐԾՈՒԹԻՒՆ

Քսան զինուոր չարչարվում էին, որ կոտորեն երկաթէ դուռը: Գօվէնը կարգադրութիւններ էր անում: Նիզերով չը կարողացան կոտորել դուռը: Փորձեցին դռան տակով երկաթէ ձո-

վէնը և իր մարդիկ հազիւ կարողացան ազատվել նրանք այլ ևս ոչ մի օգնութիւն չէին կարող անել:

Երեխաների մայրը շարունակում էր հեկեկալ յուսահատված: Երեխաները կանգնած էին միջին լուսամուտում, որին կրակը դեռ չէր հասել: Չը հասկանալով որ իրանց վտանգ է սպառնում, նրանք սկզբում բոլորովին չէին վախենում: Սենեակի պայծառ լոյսը և լուսամուտի տակի աղմուկը զուարճացնում էին նրանց: Մայրը կանչում էր. նրանց անուններն էր տալիս. մեծը ճանաչեց նրա ձայնը և կանչեց. — Մայրիկ...

Միւս երկուսը սկսեցին կրկնել նրա յետելից. — Մայրիկ, մայրիկ...

Մարիամը պատնէշի վրայից արդէն իջնել էր և կանգնած էր զինուորների մէջ. աղաչում էր օգնել: Բայց ինչ կարող էին անել զինուորները:

Րազուբը փորձեց կրկին բարձրանալ պատով: Բայց պատը բոլորովին հարթ էր. ոչ մի տեղից չէր կարելի բռնել, և նա դեռ չը բարձրացած, ներքև գլորվեց: Երեխաների մայրը ընկաւ ծընկների վրա, աղաղակելով. — Ս.գատեցէք: Բայց ինչ կարելի էր անել: Բերդի ներսը այրվում էր և փլվում: Այն սենեակում, ուր գտնվում էին երեխաները, զրքերի ահագին պահարանները այրվում էին, ինչպէս փայտը վառարանի մէջ: Երեխաները զարհուրած կանչում էին. — Մայրիկ, Մայրիկ:

Յանկարծ լուսամուտներից մէկում երևաց մի բարձր ստուեր: Ամենքն աչքերը յառեցին

նրա վրա: Մի քանիսը ճանաչեցին, որ դա մարկիզ Լանտենակն է:

Նա անհետացաւ, յետոյ իսկոյն, կրկին երեւաց և սկսեց լուսամուտից ցածացնել մի երկար, ծալովի սանդուղք: Դա պահվում էր այդ սենեակում, որ վտանգ պատահած ժամանակ՝ գործ դնեն: Ներքևում զինուորները բռնեցին սանդուղքի միւս ծայրը և ամրացրին գետնի վրա: Րազուբը ամենքի առաջ ընկած և յետևիցն էլ մի քանի տանեակ մարդիկ բարձրացան սանդուղքով և կանգնեցին սանդուղքի աստիճանների վրա: Մարկիզը վերցրեց առաջին պատահած երեխային և տուեց Րազուբին: Այդ միջնակ երեխան էր: Նա բղաւեց որքան ոյժումը կար. — Վայ, վախենում եմ: Չեղբից ձեռք տալով, զինուորները նրան վայր բերեցին:

Մեծն աւելի շատ վախեցաւ և չէր կամենում, որ Լանտենակը իրան վերցնէ. նա մինչև անգամ խփեց Րազուբին, երբ մարկիզը տուեց նրան: Մնացել էր ամենից փոքրը, Ժօրժետան: Մարկիզը վերցրեց նրան. մանուկը ժպտում էր նրա երեսին: Այդ երկաթէ մարդու աչքերից զըլորվեցան արտասուքի կաթիլները: Նա հարցրեց. — Ի՞նչ է քո անունը:

— Օրժետա, թոթովեց մանուկը:

Մարկիզը համբուրեց նրան և տուեց Րազուբին:

Մայրը կանգնած էր ներքև սանդուղքի մօտ, և չէր հաւատում իր աչքերին: Առաջ նա խելքը

կորցրել էր վաշտից, հիմա էլ՝ ուրախութիւնից Պինդ գրկելով իր երեխաներին, համբոյրներէ կարկուտ թափելով նրանց դէմքերին, նա լաց եղաւ, բարձրաձայն ծիծաղեց, յետոյ ուշաթափվեց:

— Ամենքը ազատված են, գոչեցին զինուորները:

Ամենքը, բացի Լանտենակից: Բայց նրա համար ոչ ոք չէր հոգում:

Նա՛ մտածմունքի մէջ ընկած՝ կանգնեց լուսամուտի մօտ, կարծես ինքն էլ չէր իմանում, թէ ինչ անի: Յետոյ կամաց կամաց դուրս եկաւ լուսամուտից և սկսեց ցած գնալ սանդուղքով՝ հպարտ և հանդարտ կերպով: Զինուորները նրա վրա նայում էին զարմացած, համարեա թէ երկիւղով և չէին հաւատում իրանց աչքերին: Երբ նա արդէն իջել էր, Սիմուրդէնը ինքը մօտեցաւ նրան, ձեռքը դրեց նրա ուսին և ասաց. — Դու բռնուած ես:

— Գիտեմ, պատասխանեց Լանտենակը:

Զինուորները տարան բանտարկեցին նրան:

VIII

Խ Ղ Ճ Մ Տ Ա Ն Բ

— Վաղը մենք զինուորական դատարանով կը դատենք նրան, ասաց Սիմուրդէնը, մօտենալով Գօվէնին. Բայց դու չես մասնակցիլ, Դու նրան արիւնակից ես. նրան պատժելը քո գործը չէ: Երկար չի քաշիլ. վաղը կը լինի դատավճիւրը,

միւս օրը՝ զլխատումը: Հիմա կարելի է ասել, որ ապստամբութիւնը ճնշված է:

Գօվէնը ոչինչ չը պատասխանեց և գնաց իր վրանը: Նա այլ ևս չէր հետաքրքրվում հրդեհով զինուորները մենակ հանգցրին: Բաղուբը փայփայում էր երեխաներին: Սիմուրդէնը միւս օրվայ համարմիքանի կարգադրութիւններ արեց: Բանակում սկսեց տիրել հանգստութիւն:

Գօվէնը ընկաւ զանազան մտածմունքների մէջ: Նրա առջև հէնց այդ ժամին կատարվեց մի անսպասելի անցք, և նա չէր իմանում՝ ինչպէս վարվի: Մինչև այդ ժամանակ նա բոլորովին չէր տատանվում: Նա իր առջև տեսնում էր պատերազմ: Մի կողմը, իրանցը, նա արդար էր համարում, միւսը— անարդար: Մի կողմում նրա բարեկամներն էին, միւս կողմում— թշնամիները: Բարեկամներին նա բարիք էր ցանկանում, թըշնամիներին— չարիք: Մի բոլորովին պարզ և հասկանալի բան: Ի՞նչ կայ այդտեղ տատանվելու... Հիմա զլխաւոր թշնամիներից մէկը ընկել է իրանց ձեռքը. պէտք էր ուրախանալ դրանով: Բայց Գօվէնը չը կարողացաւ ուրախանալ: Ինչո՞ւ: Որովհետև թշնամու վարմունքը սաստիկ ազդեց նրա վրա:

Երեք փոքրիկ, անմեղ երեխաներ ոչնչանում էին: Պատերազմը այդպիսիներին չի ջոկում: Արիւնածարաւ, եղբայրասպան պատերազմը կլանում է ամենը, ինչ որ պատահում է իր ճանապարհին: Պատերազմի ճանապարհին պատահեցին

երեխաներ: Ոչնչացնել երանց՝ պատերազմի համար ոչինչ բան է: Մարկիդ Լանտենակը իր գէժ ունէր մի ամբողջ գունդ. այդ գունդը հետամուտ էր լինում նրան, ինչպէս գազանի: Հետքը գրանելով, թակարդ լարեց: Նա համարեա թէ հրաշքով ազատվեց, փախաւ անտառը: Անտառում նա ազատ էր: Առիւծը փախաւ վանդակից: Հեռացաւ: Եւ յանկարծ ինքը, իր կամքով, յետ դարձաւ: Ուղղակի անձնատուր եղաւ թշնամուն: Ինչո՞ւ: Միայն նրա համար, որ ազատի երեք փոքրիկ երեխաներին: Այդ երեխաները նրան ազգական չէին. ո՛չ: Բոլորովին օտար: Նա խրդճաց նրանց: Նա թողեց անտառը և ազատութիւնը, մտաւ հրդեհի մէջ, ազատեց նրանց, իսկ իրան գոհեց: Իր կեանքը գոհեց նրանց համար: Իսկ հիմա նրան մահ է սպասում: Արդարութիւն է այս... Արդարութիւն է, որ մարդը պատժվի վսեմ, բարի, ազնիւ գործի համար:

Գօվէնը չէր կարողանում հաշտվել այն մտքի հետ, որ Լանտենակը կը պատժվի հէնց այն ժամանակ, երբ պէտք էր նրա առաջ խոնարհվել: Ազատել նրան, ազատել թշնամուն... Բայց այն ժամանակ ապստամբութիւնը էլի կը նորոգվի...

Գօվէնը մտաբերեց բոլորը, ինչ որ պատահել էր: Նա չը գիտէր, թէ ինչպէս վարվի, ինչ անի...

IX

Դ Ա Տ Ա Ս Տ Ա Ն

Միւս օրը առաւօտեան կազմվեց զինուորա-

կան դատարանը: Դատաւորները երեք հոգի էին: Սիմուրդէնը, որ նախագահում էր, մի կապիտան, և ունտեր-օֆիցեր Բագուբը: Կապիտանը նստած էր Սիմուրդէնի աջ կողքին, իսկ Բագուբը — ձախ: Մնացած օֆիցերները և բոլոր զինուորները ներկայ էին: Երկու պահապանի հրամայված էր բերել կալանաւորին: Նրանք գնացին և մի բոպէից յետոյ վերադարձան. նրանց հետ եկողը Գօվէնն էր: Սիմուրդէնը շուարած ասաց.

— Ես ուղարկել եմ կալանաւորի յէտեից:

— Կալանաւորը՝ ես եմ, ասաց Գօվէնը:

— Դ՞ո՞ւ:

— Ես:

— Իսկ սրտեղ է Լանտենակը:

— Ազատ է:

— Ի՞նչպէս թէ ազատ է:

— Ազատ է:

— Նա փախել է:

— Փախել է:

Սիմուրդէնը քաշ գցեց գլուխը: Յետոյ կրկին բարձրանալով, խոժոռած դէմքով հարցրեց.

— Նրան օգնել ե՞ն:

— Այո՛, ասաց Գօվէնը:

— Ո՞վ է օգնել:

— Ես:

— Խելագարվել ես, ի՞նչ է:

— Ես նրան բաց թողեցի:

— Ի՞նչպէս, ի՞նչ:

— Գիշերը ես գնացի նրա մօտ. պահապանը, ի հարկէ, ներս թողեց, ես տւեցի նրան վերնա-

զգեստըս. նա հագաւ և իմ փոխարէն դուրս եկաւ.
մնացի:

— Մնկարելի է: Բերէք Լանտենակին,

— Լանտենակը չը կայ: Զինուորները նրան
ինձ տեղ են ընդունել և թոյլ են տուել, որ հե-
ռանայ: Մութ է եղել, չեն ձանաչել:

— Կրկնում եմ՝ դու խելագարվել ես:

— Ես պատմում եմ այն, ինչ որ եղել է:

Սիմուրդէնը գունատված՝ արտասանեց.

— Դրա համար քեզ...

— Կը գլխատեն, վրա բերեց Գօվէնը:

Սիմուրդէնը լռեց: Գօվէնը նրա համար ամե-
նաթանգազին մարդն էր: Կարճի էր նա երբ և
իցէ մտածել՝ դատելու իր որդեգրին: Մի ըսպէ
անցնելուց յետոյ, զսպելով իր յուզմունքը, նա
ասաց հաստատուն ձայնով. — Դրա համար քեզ
պէտք է դատի ենթարկել: Նստի՛ր:

Գօվէնը նստեց այն նստարանի վրա, որը
դրված էր Լանտենակի համար:

— Պահապան, հանի՛ր սուրդ: Հրամանը կա-
տարվեց:

Սիմուրդէնը փոխեց իր հայրական ձայնը:
Նա ասաց բարկացած ձայնով. — Մեղապարտ, վեր
կացէք:

Գօվէնը վեր կացաւ: Սիմուրդէնը սկսեց
հարցմունքը, բոլոր ձևապաշտութիւնները պահ-
պանելով.

— Ձեր անունը:

— Գօվէն:

— Ձեր կոչումը:

— Վաշտի հրամանատար:

— Դուք ազգական էք փախստականին:

— Ես նրա քրոջ որդին եմ:

— Ձեզ յայտնի՞ է, թէ ինչ պատիժ պէտք է
ստանար նա:

— Յայտնի է: Դատավճռի տակ եղել է իմ
ստորագրութիւնը:

— Ձեզ համար պաշտպան ընտրեցէք:

— Ես ինքս կը պաշտպանեմ ինձ: ॥

— Կարող էք սկսել:

Գօվէնը սկսեց մտածել, կարծէք խօսք էր
փնտրում: Սիմուրդէնը կրկնեց. — Ասացէք, ինչ
որ ունիք ձեզ պաշտպանելու համար:

Գլուխը բարձրացրած, բայց քաշ գցած աչ-
քերով, առանց ոչ ոքի վրա նայելու, Գօվէնը
սկսեց խօսել.

— Մի դէպքը մոռացնել տուեց միւսին: Ես
տեսայ իմ առաջ մի մարդ, որ բարի գործ կա-
տարեց. ես մոռացայ այդ միջնոյն մարդու հա-
րիւրաւոր չար գործերը: Նա ազատեց երեխանե-
րին, և ես չէի կարող նրան չազատել: Նրա առաջվայ
արարքները ես մոռացայ և ազատութիւն տուեցի
նրան: — Եթէ ես մեղաւոր եմ, պատժեցէք ինձ:

Նա կանգ առաւ: Սիմուրդէնը հարցրեց.

— Ոչինչ չունէ՞ք աւելացնելու:

— Ոչինչ:

— Նստեցէք:

Յետոյ կարդացվեցան օրէնքի այն կէտերը,

որոնցով մահուան պատժի են ենթարկվում նը-
րանք, որոնք մասնակից են լինում նշանաւոր
յանցաւորների փախչելուն:

Միմուրդէնը ասաց.— Մեղապարտ, ուշադրու-
թեամբ լսեցէք: Մենք դատաւորներս հիմա կը
քննենք՝ արդեօք մեղաւոր էք, թէ ոչ: Մեզանից
ամեն մէկը բարձրաձայն կը յայտնի իր կարծիքը:
Վերջնական դատովճիւղը կը կայացնուի ձայներէ
բազմութեամբ: Կապիտան, սկսեցէք:

Կապիտանը անշարժ, կարծես քարացած,
սկսեց խօսել.

— Օրէնքը պարզ է: Օրէնքը խախտել չի
կարելի:— Հին Հռոմում Մանլիոսը հրամայեց գըլ-
խատել իր որդուն նրա համար, որ նա յաղթել
էր թշնամուն, չը սպասելով հօր հրամաններին:
Այնտեղ եղել է միայն զիսցիպլինի—կարգապա-
հութեան խախտում, իսկ այստեղ՝ օրէնքի խախ-
տում: Հպատակվելով կարեկցութեան զգացմուն-
քին, այս մարդը վնաս է տուել իր հայրենիքին:
Այդպիսի դէպքում կարեկցութիւնը յանցանք է:
Հրամանատար Գօվէնը օգնել է ապստամբ Լան-
տենակի փախչելուն: Գօվէնը մեղաւոր է: Իմ
կարծիքով նրան պէտք է մահուան դատա-
պարտել:

— Արձանադրել, հրամայեց Միմուրդէնը:

Արձանագրեցին. «Առաջին կարծիք՝ մահուան
պատժի ենթարկել»:

Միմուրդէնը դարձաւ Բադուրին.— Այժմ ձեր
հերթն է:

Բադուրը վեր կացաւ, դարձաւ դէպի Գօվէնը,
զլուխ տուեց նրան, և սկսեց իր խրոխտ ձայնով.

— Ուրեմն ինձ էլ պէտք է գլխատել: Երդվում
եմ պատուիս և խղճովս. որ ես էլ կը ցանկանա-
յի, սրտանց կը ցանկանայի անել նախ՝ այն, ինչ
որ արել է մարկիզը, և երկրորդը՝ այն, ինչ որ
արել է Գօվէնը: Հէնց որ ես տեսայ ծերունի
Լանտենակը հրդեհի մէջ մտաւ երեք երեխանե-
րին ազատելու համար, ես իսկոյն մտքումս ասա-
ցի. «Նա լաւ մարդ է»: Իմ հրամանատարը ա-
զատել է ծերունուն: Դա մի այնպիսի գործ է,
որ եթէ ինձանից լինէր կախված, ես այս րոպէ-
ին իմ հրամանատարին և աստիճան, և շքանշան
կը տայի: Ասում են, որ նրան պէտք է մահուան
պատժի ենթարկել: Բայց այն ժամանակ նա կը
մեռնի: Իսկ հարկաւոր է, որ նա ապրի, որովհե-
տե նա օգտակար է ամենքի համար: Պատժել
նրա համար, որ նա ծերունուն ազատել է: Չէ՞
որ ծերունին սրգտեց երեխաներին: Երկուն էլ
լաւ են արել: Եւ ինչի՞ նման կը լինի, եթէ բարի
գործի համար պատժենք մարդոց: Միթէ լաւ կը
լինէր, եթէ երեխաները այրվէին: Ինչու մարդիկ
միմեանց միս ուտեն: Չէ՞ որ այդ գազանութիւն
է: Մենք մեր հրաժանատարին սիրում ենք: Առաջ
էլ ենք եղել սիրում, հիմա էլ ենք սիրում: Յի-
մարութիւն է ասել՝ թէ նրան հարկաւոր է սպա-
նել: Ինչո՞ւ: Անկարելի է:

Բադուրը նստեց վրդովված: Միմուրդէնը
դարձաւ նրան.

—Կը նշանակէ դուք արդարացնում էք Գօ֊վէնին:

—Իմ կարծիքով մեր հրամանատարին պէտք է բարձր աստիճան տալ. նրան զեներալ պէտք է շինել:

—Ուրեմն դուք արդարացնում էք նրան: Այո՞, թէ ոչ:

—Եթէ կամենում են անպատճառ մէկի գլուխը կտրել, այն ժամանակ աւելի լաւ է թող իմս կտրեն: Ես համաձայն եմ:

—Արդարացնում է, ասաց Սիմուրդէնը. — Արձանագրեցէք:

Արձանագրեցին. «Երկրորդ կարծիք՝ արդարացնել»:

Մի ձայն մահուան պատժի կողմն է, միւսը՝ արդարացնելու: Չայները բաժանվել են:

Հերթը հասաւ Սիմուրդէնին: Նա կանգնեց:

Նա սփրթնել, գարհուրելի, մեռելային գոյն էր ստացել: Նա խօսում էր ծանր կերպով: Բայց հայեացքը համարձակ էր:

—Յանցաւոր, դարձաւ Սիմուրդէնը դէպի Գօվէնը: Ձեր յանցանքի հարցը քննված է երկու կողմից: Մի ձայնի առաւելութեամբ...

Նա կանգ առաւ: Ամենքը սպասում էին: Ո՞ր խօսքի համար էր տատանվում: Կեանքի, թէ մահուան: Վերջապէս նա ասաց.

—Դատապարտվում է մահուան:

—Յետոյ աւելացրեց. — Պատիժը վաղ առաւօտեան, երբ արեգակը դուրս կը գալ:

—Գօվէնը վեր կացաւ և գլուխ տուեց:

—Հիմա դրան դուրս տարէք, ասաց Սիմուրդէնը:

Գօվէնին մերկացրած սրերով դուրս տարան:

X

Գ Ա Տ Ա Պ Ա Ր Տ Ո Ւ Ա Ծ Ը

Բանակը յուզված էր, դժգոհ լինելով, որ Գօ֊վէնին մահուան դատապարտեցին: Սիմուրդէնին չափազանց անգուլթ էին համարում: Կամենում էին, որ նա դատավճիռը փոխի: Բայց նա իր խօսքին հաստատ մնաց: Հրամայեց գլխատման տեղը պատրաստել:

Հասաւ գիշերը: Սիմուրդէնը չը կարողացաւ բնել և զնաց դատապարտվածի մօտ: Գօվէնը նրան դիմաւորեց անկեղծ ուրախութեամբ, և մէկ-մէկ յիշեց այն ամենը, ինչով որ պարտական էր նրան:

—Դու ինձ դատախարակել ես, դու ինչ զարգացրել ես. քեզանից սովորեցի սիրել ճշմարտութիւնը: Առանց քեզ միթէ ես կարող էի մաքր դառնալ...

Նրանց մէջ սկսվեց իրանց սիրած խօսակցութիւններից մէկը: Նրանք խօսում էին այն մասին, թէ արդեօք կը գոյ մի այնպիսի ժամանակ, երբ մարդիկ միմեանց հետ կը եղբայրանան, երբ կը դադարեն պատերազմները և սովը, երբ ամեն շարութիւն կանհետանայ: Գօվէնը յոյս ունէր, որ ժամանակով աշխարհի վրա ամեն բան դէպի աւելի լաւը կերթայ: Սիմուրդէնը կասկածում էր և ցնորք էր համարում երիտասարդի ասածները: Վաղվայ համար նրանք ամենևին չէին խօսում, կարծես մո-


ուացել էին վաղվայ օրը: Նրանք կամենում
թափանցել հեռու ապագան և նախատեսել. թէ
ինչ կը լինի շատ տարիներ անցնելուց յետոյ...

— Հիմա մենք ապրում ենք փոթորիկների մէջ,
ասում էր Գօվէնը:— Բայց փոթորիկները խօյա-
ւիտեան չեն շարունակվիլ: Փոթորիկից յետոյ
խաղաղութիւն կը տիրի և ամեն ինչ կը ծաղկի՝
կրկնապատիկ, աւելի յաւ: Բնութրան մէջ միշտ
այդպէս է լինում: Մէկը մեռնում է, միւսը ծըն-
վում է՝ աւելի թարմ, աւելի գօրեղ:

Նա խորասուզվեց մտածմունքի մէջ: Ոչ Գօ-
վէնը, ոչ էլ Սիմուրգէնը չը նկատեցին, թէ ինչ-
պէս մի քանի ժամ միմեանց վրա՝ խօսում էին:
Առաւօտը մօտենում էր: Մկսեց լուսանալ. Դրսից
լավում էին կացնի հարուածներ: Գլխատման տե-
ղը համարեա պատրաստ էր: Սիմուրգէնը ցնցվեց
և գլուխը բարձրացրեց: Գօվէնը մտածում էր ու-
րիշ բանի վրա և չը նկատեց նրա վրդովմունքը:
Սիմուրգէնը վեր կացաւ յարդէ ներքնակից, որի
վրա երկունս էլ նստել էին: Գօվէնն այդ էլ չը
նկատեց: Սիմուրգանը կամաց կամաց դուրս եկաւ:
Նրա սիրտը կտրտվում էր. հոգին տանջվում...
Գօվէնի կորուստը նրա համար ամենասարսափե-
լի անբախտութիւն էր:

Իզուր էին բանակում խօսում, թէ Սիմուր-
գէնը երկի վերջին բոպէին կը ների Գօվէնին: Նա
չը ներեց: Առաւօտեան Գօվէնը գլխատվեց: Բայց
հէնց այն բոպէին, երբ նրա վզին վրա բերին կա-
ցիւնը, բովեց և մի ուրիշ ձայն՝ ատրճանակի տրաքոց:
Սիմուրգէնը ինքնասպանութիւն գործեց:

Handwritten notes and a large number '93' in the top right corner of the page.



ՀՐԱՏԱՐԱԿՈՒԹԻՒՆ Ա. ԱՎԱՔԵԱՆԻ.

ԳԻՆՆ Է 4.

1. Խօյեր	5
2. Խրիմեանն Հայրիկ	20
3. Պանդուխտ պատանի (սպառուած)	70
4. Պետրոս Դուրեանի բանաստեղծութիւնները.	20
5. Աստուած գիտէ արդարն ու մեղաւորը, բայց դատաստանը շուտով չի անում և. Տոլստոյի	5
6. Երեք մահ և. Տոլստոյի	5
7. Աշմարտութիւն	5
8. Չամախու աղէտը	20
9. Պետրոս Դուրեանի բանաստեղծութիւն- ները և տպագր.	20
10. Պատկերներ Բաֆֆու կեանքից	40
11. Երգիծարանական հատուածներ 3. Պարոնեանի 5	
12. Որանդ կայ սէր, այնտեղ է և Աստուած և. Տոլստոյի	5
3. Եղբայր եղբօր դէմ Վ. Հիւզօի	10
14. Հարանցու և փեսացու	10

Որոնք կը պահանջեն մէկ մէկ օրինակ ճանապարհ-
հածախօր ուղարկողի վերայ. իսկ գումարով ցանկացող-
ներին 25 դեղձ ճանապարհածախսով. մեր հասցէն.

Тифлисъ. улица Броссе № 23. А. А. Ованесянцъ.

ԳԻՆՆ Է 10 ԿՈՊ.

ՀՀ Ազգային գրադարան



NL0315359

